

Na osnovu člana 90. Zakona o javnim nabavkama BiH („Službeni glasnik BiH“ broj 39/14.), a u skladu sa Odlukom dekana Građevinskog fakulteta Univerziteta u Sarajevu o direktnom sporazumu za pružanje usluga: Istražiteljske usluge i usluge na području sigurnosti broj: 04-1-53-70-5/20 od 18.11.2020. godine, te na osnovu Zakona o Agencijama za zaštitu ljudi i imovina (Službene novine F BiH broj 78/08 i 67/13) i Uredbe o poslovima tehničke zaštite koje se odnose na korištenje alarmnog sistema te poslove intervencije u slučaju aktiviranja alarmnog sistema (Službene novine F BiH broj 72/15), ugovorne strane

GRAĐEVINSKI FAKULTET UNIVERZITETA U SARAJEVU, Ul. Patriotske lige broj 30, 71000 Sarajevo, ID broj: 4200287770000, koga zastupa dekan, prof. dr. Samir Dolarević, dipl. ing. građ. (u daljem tekstu: Naručilac usluga)

UNILAB d.o.o. Sarajevo, Agencija za zaštitu ljudi i imovine, ul. Drinska br. 70, 71000 Sarajevo, ID broj: 4200054160007, koga zastupa Amer Muhić – odgovorno lice za poslove zaštite ljudi i imovine (u daljem tekstu: Izvršilac usluga)

zaključuju

UGOVOR

o pružanju ISTRAŽITELJSKIH USLUGA I USLUGA NA PODRUČJU SIGURNOSTI

Član 1.

Predmet ovog Ugovora je nabavka usluga – prema Planu javnih nabavki za 2020. godinu, Usluge 40, ISTRAŽITELJSKE USLUGE I USLUGE NA PODRUČJU SIGURNOSTI, JRJN: 79700000-1, prema Odluci o pokretanju postupka javne nabavke usluga putem direktnog sporazuma broj: 04-1-53-70-1/20 od 28.10.2020. godine, Zahtjeva za ponudu broj: 04-1-53-70-2/20 od 28.10.2020. godine i Ponude agencije UNILAB d.o.o. iz Sarajeva broj: AHM-800-1/20 od 05.11.2020. godine evidentirane kod ugovornog organa pod brojem: 04-1-53-70-3/20 od 05.11.2020. godine, koje su sastavni dio ovog ugovora.

Predmetna usluga obuhvata sljedeće: Uslugu tehničkog obezbjeđenja imovine putem praćenja signala protuprovale, mjesečni izvještaji, edukacija korisnika, usluge daljinskog programiranja, 24-satne podrške, usluge obavještenja i izlazak na lice mjesta, usluge obavještenja putem SMS-a, ispitivanje sistema protuprovale, vatrodajave, plinodajave (dva puta godišnje) i odnosi se na objekte:

Objekat 1: Nastavna zgrada, Patriotske lige 30

Objekat 2: IMK, Stjepana Tomića 5,

Objekat 3: IGG, Stjepana Tomića 3

Objekat 4: Stjepana Tomića 1, Institut za saobraćajnice (prizemlje i suteren), Institut za geodeziju i geoinformatiku (treći sprat).

Član 2.

Izvršilac usluga se obavezuje izvršiti sljedeće radnje:

A/ Usluge monitorina i interventne službe:

- 24-satna konekcija i centralni nadzor postojećeg i iznajmljenog alarmnog i vatrodajavnog sistema, te angažman mobilne intervencije – tima na licu mjesta sa po 2 naoružana čuvara u timu, unutar vremena od 3-6 minuta reagovanja;
- U slučajevima vanrednih okolnosti i aktiviranja alarma na objektima u toku ili nakon radnog vremena, kao i drugih složenih prilika i stanja, istovremeno obavijestiti policiju, vatrogasce i hitnu pomoć, te ovlašteno osoblje Naručioaca usluga, kao i uspostavu vanrednog fizičkog obezbjeđenja objekata do momenta normalizacije stanja.

B/ Usluge tehničkog održavanja i servisiranja:

- Obavljanje šestomjesečnog tehničkog pregleda i servisiranja sistema tehničke zaštite, vatrodajavnog videonadzornog i drugih sistema tehničke zaštite;
- Kontrola ispravnosti i funkcionalnosti sigurnosne opreme i sredstava, uz izdavanje zapisnika o obavljenom servisiranju i kontroli, te atesta shodno zakonu i uredbama iz oblasti tehničke zaštite imovine

C/ Usluge iznajmljivanja protivprovalne opreme

- Podrazumijeva se instaliranje i puštanje u rad protivprovalnog sistema zaštite sa opremom koja je predmetni dio Ugovora;
- Oprema se smatra vlasništvom Izvršioca usluga prema ponudi br. AM-800-1/20 od 05.11.2020. godine, u prilog ovog Ugovora;
- Naručilac usluga će u periodu korištenja sigurnosne opreme postupati u skladu s uputama davaoca opreme, kao savjestan i dobar domaćin, u suprotnom će biti odgovoran za bilo kakvu štetu koja bi mogla nastati na opremi kao i za njeno ponovno osposobljavanje i izmirenje svih troškova nastalih naknadnom popravkom ili održavanjem.

Član 3.

Naručilac usluga je dužan da odmah nakon instaliranja alarmnog sistema promijeni tvorničku master/glavnu šifru a svojim uposlenicima dodijeli radne korisničke šifre. Po isteku radnog vremena, odnosno napuštanju objekta, Naručilac usluga će uključiti svoj alarmni sistem, a po potrebi može provjeriti stanje uključenja sistema sa dojavnim centrom na dežurni broj 1313.

Naručilac usluga se obavezuje na potrebu pismenog obavještenja ili upoznavanja Izvršioca usluge o svim promjenama koje su u vezi s korištenjem ili rukovanjem alarmnim sistemom (promjena korisničkih osoba i njihovih kontakt brojeva i slično) kao i o svim građevinskim promjenama na objektu (rekonstrukcije, preuređenje prostora i slično) i drugim sličnim pojedinostima koje su naknadno dograđene ili nastale, a mogu bitno uticati na rad postojećeg sistema tehničke zaštite kao i po sigurnost objekta.

Naručilac usluga je dužan obavljati redovnu kontrolu provođenja mjera i radnji u objektima i prostoru koji se štite tehničkom zaštitom te obavještavati Izvršioca usluga o uočenim nedostacima i nepravilnostima na sistemima zaštite, a što je isti dužan otkloniti u razumnom roku.

Član 4.

Izvršilac usluga se obavezuje na savjesnost i dosljednost u izvršavanju ugovornih obaveza u okvirima važećeg zakona o agencijama za zaštitu ljudi i imovine. Ovim se izuzimaju uticaji više sile ili stanja van kontrole Izvršioca usluga koje se nisu mogle predvidjeti ili otkloniti u vrijeme zaključenja ugovora (nastanak elementarnih nepogoda ili vanrednih stanja, cestovnih blokada, fizičkih demonstracija i slično).

Izvršilac usluga ne preuzima nikavu odgovornost za učinjenu štetu na objektu u vremenu od prijema alarmnog signala u dojavni centar do vremena predviđenog dolaska interventnog tima na lice mjesta, kao i štetu uslovljenu smetnjama ili prekidima telefonskog ili GSM/GPRS signala na šticećenim objektima. Eventualni prekidi i zagušenja u telecom saobraćaju ne spadaju u nadležnost Izvršioca usluga.

Član 5.

Garantni rok od dvanaest (12) mjeseci, odnosi se na svu opremu koju je ugradio Izvršilac usluga u sistem zaštite objekta Naručioca usluga, osim za akumulatorske baterije iz sistema rezervnog napajanja i kvaorva nastalih nestručnim rukovanjem ili nasilnim uništenjem (fizičko oštećenje, udar groma, prenapon i slično).

Član 6.

Jedinstvena mjesečna cijena ugovorenih i izvršenih usluga bez PDV-a iznosi:

Objekat 1, Objekat 2, Objekat 3 345,00 KM

Objekat 1: Nastavna zgrada, Patriotske lige 30

Objekat 2: IMK, Stjepana Tomića 5,

Objekat 3: IGG, Stjepana Tomića 3

Objekat 4 100,00KM

Objekat 4: Stjepana Tomića 1, Institut za saobraćajnice (prizemlje i suteran), Institut za geodeziju i geoinformatiku (treći sprat).

Ukupna cijena za ugovoreni period do 31.12.2020. godine za predmetne usluge iznosi 4.340,00 KM (četihiljadetrinstotinečetdeset 00/100) bez PDV-a, odnosno 5.077,80 KM (pethiljadasedamdesetsedam 80/100) s PDV-om.

Eventualna zamjena rezervnih dijelova i opreme, kao i nalozi o vanrednim tehničkim intervencijama će se fakturirati po važećem cjenovniku ili prema ponudi Izvršioca usluga, uz prethodnu saglasnost Naručioca usluga.

Naručilac usluga se obavezuje na redovnost plaćanja ispostavljene mjesečne facture i to u roku od deset (10) dana od primitka iste. Ukoliko se evidentna dugovanja nastave i nakon pismene obavijesti ili upozorenja o tome, proces pružanja usluga će biti obustavljen bez preuzimanja bilo kakvih odgovornosti po osnovu ovog Ugovora. Naručilac usluga će omogućiti Izvršiocu usluga nesmetano vraćanje instalirane opreme i GPRS modema s objekata po okončanju ugovornog odnosa.

Član 7.

Izvršilac i Naručilac usluga se obavezuju da će u vremenu trajanja ovog ugovora i u vremenu nakon isteka, kao poslovnu tajnu čuvati sve poslovne informacije i podatke koji su u vrijeme trajanja ugovora bili dostupni.

Član 8.

Svi eventualni spooovi koji proisteknu iz ovog Ugovora, ugovorne strane će rješavati sporazumno, u suprotnom nadležan je Općinski sud u Sarajevu.

Ovaj Ugovor stupa na snagu s danom obostranog potpisivanja ugovornih strana.

Ugovor se zaključuje na period do 31.12.2020. godine.

Otkazni rok traje jedan (1) mjesec i objavljuje se pismenim putem unaprijed.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

NARUČILAC USLUGA

Građevinski fakultet Univerziteta u Sarajevu

DEKAN

Prof.dr.Samir Dolarević, dipl. ing. građ.

Broj: 04-1-53-10-6/20

Sarajevo, 19.11.2020

IZVRŠILAC USLUGA

Unifab d.o.o. Sarajevo

OGOVORNO LICE

Amer Muhić

Broj: AM-801/20

Sarajevo, 20.11.2020